



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetii, 1647

De qualitate Paramentorum. 19.

urn:nbn:de:hbz:466:1-9500

Regula verò in mutandis coloribus, ea est, ut mutatio fiat in primis Vesperis Festi. Si autem Vesperæ non sint integræ, is color adhibendus est initio Vesperarum, qui congruit illi, de quo dicitur Capitulum. Si Officium, & Missa discordat, color Altaris sequatur Officium; Vestiu-

autem Sacerdotis sit color Missæ conformatus; quæ diuersitas accidere solet in Feria tertia Rogationum, & in Vigilijs infra Octauas. Pro Missa vero solemnni concuerit, ut pallium etiam Altaris concordet cum colore paramentorum Missæ: quod adnotauit recte P. Ruiz in suo Cæremon.

De qualitate Paramentorum. XIX.

1 In Officio Missæ Celebrans semper vtitur Planeta super Albam.

Qua de re suo loco, cum de alijs vestibus Sacerdotalibus p. 2. tit. 1.

2 Si autem sit Episcopus, & solemniter celebret, super Dalmaticam & Tunicalam.

De his etiam, cum de vestibus Pontificalibus par. 2. tit. 1.

3 d Pluuiali vtitur e in Processionibus, f & Benedictionibus, quæ sunt in Altari. Item in Officio g Laudum, & Vesperarum, quando solemniter dicuntur. Eodem vtitur h Assistens Celebranti in Missa Pontificali. Item, quando Celebrans i post Missam Defunctorum facit in fine Absolutionem.

d Pluuiali. Pluuiale, & Cappa sunt idē. Durand. lib. 2. cap. 1. & forma quidem & vsus Pluuiialis similes sunt Cappæ, quam describit Honor. in Gemma lib. 1. cap. 227. Propria vestis, inquit, est Cantorum: & apud nos quoque Cantorum est Pluuiale, in Cæremon. Episc. lib. 2. cap. 3. in Vesperis à singulis ordinibus, inquit ille, portatur. ergo Cappa hæc Honorij nō est Casula, quæ solius Sacerdotis est, aut Diaconi, & Subdiaconi ad summum: contra coniecturam Isid. lib. 15. orig. cap. 12. & contra Durant. libr. 2. cap. 9. qui volunt, Cappam esse Casulam. Sicut autē describitur Cappa. habet; inquit Honor. in supremo capitum, ad pedes pertingit, fimbrias habet, anteaperta manet. & quis non videat hæc omnia conuenire Pluuiali tantum? Cappa est, quia capit totum hominem. Cappam etiam Rustici vocant, quod Latini Tugurium, Durantus ait loc. cit. Capannam rustici nostri; & Pluuiale quasi tugurium est, contra pluuias, ideoque Pluuiale vocatur. Immò vero apud laicos quoque

Cappa ea dicebatur, ut nos vidimus ante paucos annos, quæ capitum habebat, ad differentiam mantelli, quod capitio caret. cuius capitij usus erat absque dubio ad tuendum caput tempore pluuiæ, sicut in itinere capitio Feltri vtitur. unde & Pluuialis laicorum Cappa ea dici poterat. itaque modò Cappa Ecclesiastica cum capitio adhibita propriissime in processionibus, extra Ecclesiam, capitio tegens Sacerdotem, cum plueret, Pluuialis nomen, ut opinor, est adepta. Impluuiia dicebatur ea vestis, qua Sacerdotes per imbreuim vtebantur, ex Varone. Pluuiale item quasi fluviale dici potest; quia lineæ, quæ in ora anteriori sunt fluij, seu flumina, à Græcis vocantur ποταμοί.

Facile quoque accidere potuit, quod Ignatius Braccius Recinetensis (cuius laus est in Etymologijs omnium vocum, Italicarum, Græcarum, Latinarum, & Hebrearum, quarum parat immensum opus) postremo memnonuit, à Plebe, & Plebano, quem Piuie-

Piuierio, vocauere, Academic Florentini; & vulgo, Piouano, dicimus additam esse vocem Italicanam, Piuiale, aut Pieuale, aut Piouiale, quod postremum latinitate donantes appellauerent Pluuiale. Ea enim vestis est in vsu frequenter apud Parochos in Sacramentorum administratione. *Idem autem Honor. capit. 233.* concedit Cappam deduci posse à Casula, idest, parua cappa; Casulam antiquam fuisse scio valde similem Pluuiali nostro, excepto caputio, & anteriori parte, quae in Casula non erat aperta; unde & reflectebatur Casula, vtrinque super brachia Sacerdotis; & in eleuatione Hostiae ideo posterior Casula pars, ut hodie, eleuatur, ad brachia Sacerdotis magis expedienda. Ambrosiani vestigium retinent amplioris antiquae Casulae, tam latæ, quam longæ; & nos, cum de Casula, ex antiquioribus eam indicabimus infra. Addendum quod in *Ordine Romano in consecratione Episcopi* Ordinandus prima vice ante Ordinantem constituitur cum Cappa super Albam, Cingulum, & Stolam; certe non cum Cappa Episcopali; lanaea ordinaria, quae non adhibetur super Albam, & Stolam; sed cum Cappa, idest, Pluuiali: secunda vero vice, *ibidem* constituitur idem Ordinandus cum Planeta super Dalmaticam, Manicas, Sandalia, quae consona sunt consecrationi Episcopi in Pontificali moderno. ergo Cappa non est Casula, sed quasi Casula, & est Pluuiale. Vides cum forma simul & vsu antiquitatem? Vide Mysteria, ex Gemma loco citato 227. haec vestis conuersationem denotat: caputium vero supernum gaudium, quod est caput conuersationis, dicente Apostolo: *nossa conuersatio in celis est*; ad pedes pertinet ob perseverantiam: aperta manet ante, quia sancte conuersantibus eterna vita patet: in fibrijs labor signatur. *Hac Gemma. Charitatem quoque significat Cappa, ibidem cap. 234.*

Dur. loc. cit. In Cappa hac intelligi docet gloriosam corporu immortalitatem; Gauant Rubr. Miss.

vnde illa vtimur in Festis maioribus, & patent anteriores partes Cappe; quia corpora, inquit, facta spiritualia nullis animam obturabunt angustijs *ibidem* ipse vtitur vocabulo Pluuialis; ante quem apud alium auctorem non inueni hanc vocem.

c *In Processionibus.* Processio, quasi progressio, à procedendo in publicum. *Durant. lib. 2. cap. 10.* cuius origo, An à Purificatione Beatae Virginis cu Iosepho, Simeone, & Anna? vel certius ex Historia Euangelica à turbis in die Palmarum? *Tertullianus libr. 2. ad uxorem* meminit processionum; & *Ambros. sermone 8.* Aliæ vero sunt ordinariæ, ut in Feste Purificationis, in Dominica Palmarum, in Litanis maioribus, & minoribus, in Feste Corporis Christi, de quibus dicetur in proprijs rubricis. Aliæ extraordinariæ, quæ auctoritate Episcoporum fieri solent, quarum exempla multa refert *Durantus loc. citato;* in his præfertur Crux cum luminebus, quorum auctorem faciunt S. Io. Chrysostomum *Socrates, & Sozomenus citati à Cesare Francioito in obseru.* circa mysteria totius anni: Crux autem à Regularibus cum velo pendente, seu pallio, ex Decreto Sacr. Rituum Congreg. 14. Ianuar. 1617.* ad indicandam subiectiōnem, & inferioritatem respectu cleri sacerdotalis, eadem ratione, qua Baculo Abbatiali appenditur velum, seu sudarium nodo eiusdem ad differentiam Baculi Episcopalis: quod notatur in *Actis Eccl. Mediolan. de suppel. Eccl. li. 2.* & mulieri datur velamen supra caput subiectiōnis indicium sub viro *i. Corin. 11.* Porro ritus deferendi Crucem ante Ann. 398. teste Baronio *ibidem* fuit in vsu: & imago Christi terga debet vertere Clero sequenti, quasi Christus praetere videatur, nisi sit Archiepiscopal, vel Papalis, in qua imago Crucifixi respicit Archiepiscopum, vel Papam, quasi ex illius aspectu in summa animarum cura iij recreentur, ut indicatur in *Cæremon. Episcop. libro 1. capit. 15.* & *libro 2. capit. 16.* & aperte in *Cæremon. Marcelli libro 3. capit. 20.* & *Crassi libro secundo ca. 42.*

D 3 etiam si

etiam si inter Crucem & Prælatum incedant Canonici, ut expresse dicitur in Ceremon. Episcop. libro 1. cap. 15. citat. contra recentiores quosdam, qui distinguunt in Cruce Archiepiscopali, quando immediate præcedit Archiepiscopum, & quando Canonici præcedunt eundem post eis Crucem.

Cum igitur processio sit quædam Cleri cum populo itinerarya conuersatio, recte Pluuiale adhibetur, quod, ut diximus, sancte conuersationis formam designat.

f Et benedictionibus. hoc est, Cinerum, Cereorum, Palmarum, sacrarum Imaginum, &c. quæ, cū solemnies sint, Pluuiale iure merito exigunt; neque aliud induimenti genus aptius esse potest benedictioni solemnii, quæ sit extra Missam. Sunt aliae benedictiones, quæ non sunt in altari, & in fine Missalis de rebus varijs habentur, in quibus satis est Stola cum superpelliceo vti.

4 Cum Celebrans vtitur Pluuiali, semper I deponit Manipulum, & ubi in Pluuiale haberi non potest, in benedictionibus, quæ sunt in Altari, Celebrans stat sine Planeta cum Alba, & Stola.

I Deponit Manipulum. Manipulus non adhibetur cum Pluuiali: & fortasse, quia ille fletum, & dolorem significat, ut infra docebimus, ideo non concordat cū Pluuiali, quod diximus significare conuersationem cœlestem, & ex Durando gloriosam corporum immortalitatem, quæ fletum non admittit.

Dices: sunt processiones flebiles, ergo congruit in illis Manipulus fletus, & doloris. Respondeo, extra Missam nullum esse Manipuli Sacerdotalis usum; & de hoc ritu plena ratio penes auctores desideratur ad huc.

m Pluuiale haberi non potest, &c. Planeta cum Stola est habitus ad Missam tam & ideo potius Stola super Albam sufficit, deficiente Pluuiali. Verum licet

s n Dalmatica & o Tunicella vtuntur Diaconus & Subdiaconus in Missa solemnni, p & Processionibus, q & Benedictionibus, quando Sacerdoti ministrant.

n Dal-

g Laudum, & Vesperarum. Laudes, & Vesperæ sunt pares numero Psalmorum, Hymnorū, & ratione Canticorum Evangelicorum, ut dicemus in Rubricis Breuiarij. Pluuiale in ijs conceditur ad solemnitatem Ceremon. Episcop. libr. 2. capit. 3. & 7. Qui almutijs vtuntur, eas deponant, cum Pluuiale induunt; sicut exunt Cappas, ij Canonici, qui his vtuntur.

h Assistens Celebranti. Ordo Rom. dat Cappas Presbyteris assistentibus Papæ celebranti. Vides hic etiam Cappas idem esse, ac Pluuialia?

i Post Missam Defunctorum, &c. Mis- sa finita, deponenda est Casula, quæ ergo nunc ad Absolutionem solemnem aptior erit vestis, quam Pluuiialis Cappa? vestis est ad omnia mage communis; neque benedicitur, quia communis est cuicunque Ecclesiastico, neque ordinata ad sacrificium Missæ.

in hoc habitu procedat celebrans, ac si haberet Pluuiale; non tamen hinc sequitur, Stolam gerere vicem Pluuiialis, ut ex verbis patet. quod malè inferunt alij.

* Stola vero vna cum Alba in modum Crucis ante pectus gestari debet cingulo de more coniuncta, & vtrinque religata. quod si adhibeatur vna cum superpelliceo, soluta pendebit à collo hinc inde, quia ligari in modum crucis non potest: & eodem modo siue cum pluuiiali, siue absque eo adhibeatur illa. fauet autem Concil. Braccar. 3. cap. 3. signum, ait, in suo pectore præparet crucis. licet enim ibi loquatur de stolæ usu in Missa, extra Missam tamen forma crucis, si fieri potest, muniri pectus decet: quod ex usu didici apud nos communiori.

n Dalmatica. Eam assignat Diacono *Ordo Romanus*. Sanctus Syluester Diaconis concessit, ex *Damaso*, in Dalmatia fuit reperta, *Alcuin.* quid signif. vest. & *Iсид.* 19. *Etymol. capit. 22.* primo textam ibidem fuisse scribit, eiusdem vero vſus in Ecclesia fuit ante Siluestrum, nam *Sā-ētus Cyprianus meminit*, & *Eutychianus Papa*, apud *Durant.* libro 2. capit. 9. Sacerdotum enim erat habitus, & Casulis introductis Dalmatica data est Diaconi, *Vulnaf. Strab.* cap. 24. qui tamen à *Vicecomite lib. 3. de Missa apparatu capi. 26.* iure refellitur cum antea lib. 3. cap. 29. probauerit ille, fuisse casulam in vſu Sacerdotum tempore Apostolorum, quod & nos infra suo loco ostendemus, vſi sunt etiā Dalmatica Reges summi; quorum nomina vide apud *Baron. in not. Mart. ad 31. Maij.* neque vero Syluester omnibus Diaconis eam concessit, sed tantum Romanæ Ecclesiæ, & in diebus tantum solemnibus in signum lætitiae *dīstin. 76. cap. de Ieiunio, ex Conc. Salegust.* exteris autem ex priuilegio Rom. Pont. vt ait *Gregor. lib. 7. epist. 3. ad Aregium*; qui epist. 28. & 113. eiusdem libro. 7. tradit aperte fuisse Romanorum rātum Diaconorum propriam vestem. erat etiam Regula, quod Dalmatica adhiberetur cum, *Gloria in excelsis*, ita *Microl. c. 46.* hoc est, vbi *Gloria*, ibi Dalmatica vſus: non ē conuerso: nam in Dominicis, Gaudete, & Lætare, vtimur Dalmaticis; non autem dicimus, *Gloria in excelsis*.

Forma antiqua Dalmatica erat sine manicis, & *Amian. Marcellin. lib. 14.* vocauit eam Pectoralem Tuniculam, quā nos cum manicis ad cubitum vocamus Italicę, Tunicella. pertusa habet alas, *Amalar. libro 2. cap. 21.* duas item lineas ante, & retro *ibidem* manicae latæ sunt, ex *Alcuin. supra*: vbi etiam notat formā habere Crucis, alia habebat, quæ nostræ non habent. vide *Iunoc. III. vel Amalar. locis citatis, & citandis*. Significat ergo Dalmatica lætitiam: item curam proximorum, *Ino Carnot. Serm. de signif. indum.* formam Crucis gerit, vt ea indutus mundo sit Crucifixus, *Alcuin. supra* per-

tusas alas habet, vt Christum imitetur, qui lancea fuit perfoissus Latere, *Amalar. supra*. latus manicas, vt sit liberalis, qui ex officio cum Stephano Protomar. ministrale debet mensis. *Innocent. III. lib. 1. cap. 56.* cum gemina dilectione Dei, & proximi, quam indicant duæ lineæ ante, & retro. *Amalar. ubi supra*. Dalmaticæ denique vſus fuit super Albam, & consequenter cum Amictu & Cingulo, quæ conceduntur Diacono in *Conc. Narbon.* cap. 12. ex ritu antiquiore. * De Alba vt Diaconi ueste mentio est in ord. *Roman. de Conc. Prou. celeb.* Amictus autem, & cingulum concomitantur Albam.

o *Tunicella.* Subdiaconi ministrabant in Albis tempore Sancti Gregorij Papæ libro 7. epist. 6; iubet *Ordo Rom.* eis tradi congruas uestes Subdiaconales, & Mappulas in sinistra: sed quas uestes, non explicat. Subtile cum minori manica datum Subdiaconis scribitur in *Gemma libro 1. cap. 229.* & hoc est Tunicella, ideo sic appellata; quia minor est Dalmatica Diaconali. Ante Gregorium nescio quis, ait ipse loco citato. induit Subdiaconū, qui modus loquendi excludit Siluestrum, quem faciunt quidam huius ritus auctores, & indicat per errorem id esse factū, vnde Gregorius removit Subdiaconalem uestem. *Concil. Braccaren. 1. capit. 27.* appellat Tunicam, & pates in ueste facit Diaconum, & Subdiaconum; fortasse ex prædicto abusu, quem postea correxit Sanctus Gregorius, quoad Subdiaconos. nunc eorundem strictrior est uestis, quam Diaconorum; & ideo dicta est etiam Subcula ab *Amalar. libro 2. cap. 22.* Significat autem loricam iustitiae, quæ communis est virtus, *Gemma vbi supra*; sed eadem significat, quæ Dalmatica, nisi quod Subdiaconus minori tunica indutus, si ad minorem virtutis gradum, quam Diaconus pertinet, tolerandus esse videtur. * suppone Albam Tunicellæ, ex *Concil. Narbon.* cit. consequenter Amictum & cingulum vt supra diximus de Diacono.

p *Et processionibus.* Ad maiorem nempe ornatum celebrantis Sacerdotis. Scripti recentior, Ministris eiusdem dari pos-

D 4 fe

se in processione Sanctissimi Sacramenti Stolas Sacerdotales supra Cottam; sed hoc videtur contra Bullam Pij V. in qua prohibetur mutatio, additione rituum, & contra rationem, ne ij videantur equales celebranti; & contra usum Ecclesiarum communem, quem maximi facien-

dum existimo in Sacris Ritibus?

q. *Et benedictionibus.* Quæ scilicet sunt solemniter, non tamen cinerum, cereorum in Purificatione Beatae Virginis, nec Palmatum, in quibus Dalmatica & Tunica prohibentur in sequenti numero.

6. *In diebus vero t. ieuniorum (præterquam in f. Vigilijs Sanctorum)* & in Dominicis & Ferijs & Aduentus & u. Quadragesima, ac x in Vigilia Pentecostes ante Missam (exceptis y Dominica, Gaudete, etiam si eius Missa infra hebdomadam repetatur, & Dominica, Lætare, Vigilia Nativitatis Domini, Sabbato sancto in z. Benedictione Cæreui, & in Missa, ac a Quatuor Temporibus Pentecostes) item in benedictione b. Candelarum, & Processione in die Purificationis Beatae Mariae, & in benedictione c. Cinerum, ac Benedictione d. Palmarum, & Processione: in Cathedralibus & e precipuis Ecclesiis utuntur f. Planetis plicatis ante pectus: quam Planetam Diaconus g. dimittit, cum lectrurus est Euangelium, eaque tunc super sinistrum humerum super Stolam complicatur: aut ponitur aliud genus Stola latioris in modum Planetæ plicatae, & facta Communione resumit Planetam, ut prius. Similiter Subdiaconus dimittit eam, cum lectrurus est Epistolam, quam legit in Alba, & ea finita, osculataque Celebrantis manu, Planetam h. resumit ut prius.

x. *Ieiuniorum.* interdictum Gemma lib. 3. cap. 45. Dalmaticas tempore ieunij; quia diximus, Dalmaticam significare lætitiam, quæ in ieunio facile desideratur.

y. *Vigilijs Sanctorum.* Vigilia est principium Festi, Radulph. propos. 19. ergo & lætitiam aliqualem, non plenam habet; cum in eadem ieunemus.

z. *Aduentus.* Tempore Aduentus in aliquibus locis omitti Dalmaticas scribebat Amalar lib. 3. cap. 40. & libro 4. capit. 30. ut audius, inquit, resumatur, & festivius, quod aliquando omittitur; & item ad insinuandum tempus veteris testamenti in Aduentu, ratione cuius maior est gloria noui testamenti in Nativitate Domini. ibidem addit Honor. in Gemma lib. 3. cap. 1. quia vestes innocentiae & immortalitatis significant per Dalmaticas nobis per Christum natum redditæ sunt, non ante Christum natum; vel quia ante Nativitatem Christi, neque Lex, neque Euangelium in ijs significata, qui Dalmaticas gerunt, cum claritate patebant, Rupert. lib. 3. cap. 2. tit. 3.

u. *Quadragesima.* A Septuagesima usque ad Cenam Domini à Dalmaticis

abstinuere in quibusdam locis, aiunt Ordo Roman. & Alcuin. cap. de Septuag. antiquo vero more omitti, indefinite scribit Microl. cap. 47.

x. *In Vigilia Pentecostes.* Diximus supra, Vigiliam hanc esse parem Vigiliae Paschatis. in Missa vero lætitia perfunditur Ecclesia. Ideoque & Dalmaticæ sunt in usu ad Missam, non ante Missam.

y. *Dominica Gaudete.* Ecce lætitia, ergo cum Dalmaticis. idem affirmandum de sequentibus, ut patet.

z. *Benedictione Cæreui.* Quæ tota est festiva, sicut etiam Missa Sabbati Sancti.

a. *Quatuor Temporibus Pentecostes.* Dalmaticæ his temporibus decernuntur ob solemnitatem Spiritus Sancti à Concilio S. Alegroflano cap. 2.

b. *Candelarum.* Ob anxiam Simeonis expectationem, inquit Durand. lib. 3. cap. 18.

c. *Cinerum.* Quia dies solemnis ieunij, & initium est Quadragesima, quæ excludit Dalmaticas.

d. *Palmarum, &c.* Quæ passionem Domini sapit potius, quam lætitiam inanem Turbarum. fleuit etiam Christus sedens

dens super Asinum. *Luc. 19.*

e *Principis Ecclesiis*. Præcipuas intellege præfertim, quæ sunt Collegiatæ insignes Canonicorum Cleri sacerularis, & quæ ob alias causas præcipue à populo, seu à Maioribus declaratur. Dantur enim Ecclesiæ minores, præfertim apud Regulares, de quibus num. sequenti. Sed in signioribus Regulatium Ecclesiis conceduntur planetæ plicatae à Sacra Rituum Congregatione, teste *Alcocer in suo Cœrmoniali*.

f *Planetis Plicatis*. Diacono, & Subdiacono dantur Planetæ sæpius in *Ordo Rom.* Casula datur Diacono ab *Alcuin. cap. qui a signif. vest.* Item Subdiacono ea ratione, qua imitari debet Diaconum, ab *Honorio in Gemma lib. 1. cap. 231.* quæ eleuantur ante, ut liberius ministrare valeant, *Durand. lib. 3. ca. p. 11.* Puto etiam ad differentiam Casulæ sacerdotalis, quæ cum significet charitatem, secundū omnes Autatores, qui scripserunt de ritibus, intelligent Ministri, primo in prædictis diebus teneri ferè ad eandem perfectionem, ad quam Sacerdos in alijs temporibus; deinde ex charitate, non ex timore debere ministra re Altari, *Durand. vbi supra.*

g *Dimittit*. Dimittit autem Casula ab utroque lecturo Epistolam, seu Euangelium, quasi profiteantur in proprio ministerio legendi, eam non esse propriam

vestem. *Rupert. libr. 3. capit. 2.* & Subdiaconus quidem dimittit Casula, quæ charitatem denotat, lecturus Epistolam quæ significat legem veterem, legem timoris, non amoris: Diaconus vero induit aliam, seu eandem complicata in sinistro humero ad latus dextrum, lecturus Euangelium, legem scilicet amoris, vt in sinistris, & in dextris, in aduersis, & prosperis, charitatem ore & opere doceat; tum Euangelio, tūm ministerio usque ad consumptionem Sacramenti. *Durand. loc. cit.*

h *Resumit*. Casula à Subdiacono post Epistolam resumitur, quia post legem timoris data est lex charitatis. Diaconus vero resumit circa finem Missæ, quia non sufficit inchoasse in charitate, sed in ea finendum est, *idem ibidem*. Vel dic *cum Amalar. lib. 3. cap. 15.* lecturos exui Casulis, quasi milites expeditos contra errores, duplicitā denique Diaconus portat Casulam ab Euangelio ad Communione, vt quæ ore predicat, iugum Domini portans, opere quoque impleat, liberius, & expeditius ministrando. *Honor. in Gemma lib. 1. cap. 231.* *Lege Hugon. Vt. de special. Missæ obser. lib. 3. capit. 9. vbi in Casula ministrorum, quæ collum circuit, utrumque brachium, pectus, & humeros vestit; docet charitatem, quæ exigitur in voce collo formanda, in opere, corde, & in aliorum onere portando.*

7 In minoribus autem Ecclesiis, prædictis diebus iejuniorum Albatantum amicti ministrent i Subdiaconus cum Manipulo, i Diaconus etiam cum Stola ab humero sinistro pendente sub dextrum.

Non enim congruunt Dalmatica ratione dierum: neque Casula ratione locorum.

i *Subdiaconus cum Manipulo*. Manipulus Subdiaconi propria vestis est, in *Ord. Romano*, qui tradit eis mappula in sinistra, de quibus dicemus infra, cum de Vestibus Sacerdotis. Vnū hic nota, quod licet Sacerdoti fuerit datus Manipulus ab initio ad tergendam pituitam oculorum, & narium, ut ibi probabimus, & fortas-

se eadem de causa à S. Siluestro fuerit idem concessus Diacono sub nomine pallæ linostimæ ad laudem (linum enim totum est ad tergendum oculos, & narres) non tamen Subdiacono datus fuit in hanc eandem causam Manipulus, sed ad tergendas fortes vasorum sacrorum; quod benè notauit *Durand. lib. 2. cap. 8.* eumque in sinistra cum alijs gerit, ad expeditius ministrandum. *Rupert. libr. 3. cap. 33.*

i Dia-

I Diaconus cum stola, &c. Stola Diacono datur ab Ordine Romano; quia Oratorium est, hoc est, Oratorum, seu Concionatorum, Aleuin. supra, quam ab Apostolicis dataim Diacono fuisse probabilius puto, tamquam de substantia ordinationis eius, non à Siluestro nomine pallæ linostimæ ad lœvum humerum, quod vult. *Vicecomes de appar. ad Missam.* nam ad lœvam, hoc est, ad manum lœvam, explicat *Innocent. III. libr. I. cap. 43.* ubi de Manipulo agit. vide infra de Manipulo. Verum à sinistro humero ad latus dextrum, ex

Conc. Braccar. I. cap. 27. vt ab actiuia laboriosa ad contemplatiuam suauem transeat. *Honan Gemm. lib. I. cap. 230.* vel, vt portet hic iugum Domini in sinistra, id est, in præsenti vita cum spe quietis futurae in dextera, *Durand. lib. 2. cap. 9.* Cæterum dexteram Diaconi partem vult esse liberam, ob ministerium Altaris, *Concil. Tolletan. 4. cap. 39.* que rationes etiam valent pro Casula complicata ad modum Stole. Diaconus autem, cù induit stolam, osculetur Crucem, quæ est in medio eius. *Cerem. Episc. lib. I. c. 9.*

De Præparatione Altaris, & ornamentorum eius. XX.

m **A**ltare, in quo sacro sanctum Missæ sacrificium celebrandum est, debet esse nō lapideum, & ab Episcopo consecratum: vel saltem p̄ aralapidea, similiiter ab Episcopo consecrata, in eo inserta, quæ q̄ tam ampla sit, ut Hostiam, & maiorem partem Calicis capiat. Hoc Altare operiatur & tribus mappis, seu tobaleis mundis, ab Episcopo, vel alio habente potestatem & benedictis, superiori saltem oblonga, quæ usque ad terram pertingat, duabus alijs breviribus, vel una duplicata. & Pallio quoque ornetur coloris, quoad fieri potest, diei Feste, vel Officio convenientis. Super Altare u Collocetur Crux in medio, & Candelabra saltem duo cum y Candelis accensis hinc, & inde in utroque eius latere. Ad Crucis pedem ponatur & Tabella Secretarum appellata: In cornu Epistolæ a Cussinus supponendus Missali: & ab eadem parte Epistolæ paretur b Cereus, ad eleuationem Sacramenti accendens, c Parua campanula, d ampulla vitrea vini & aquæ, cum peluicula & emanuergio mundo in fenestella, seu in parua mensa ad hac preparata. Super Altare f nihil omnino ponatur, quod ad Missæ sacrificium, vel ipsius Altaris ornatum non pertineat.

m Altare. Locus hic sopponitur sacer vel deputatu: ab Episcopo. cap. nullus de consecrat. dist. 1. ex S. Siluestro saltem fit benedictus ritu proprio in Rituali Romano Pauli V. Non potest autem Episc. deputare Oratoria in domo priuata, ex litteris Cardinalis Lancellotti ad Episcopos datis, nomine Pauli V. 10. Marij 1615. vt ibi fiat Missa, citatis à Scortialib. 2. capit. 13. immo ex Concil. Trident. sess. 22. de obseru & euitan. in sacr. Missæ non tamē intelligitur domus priuata Palatiū Episcopi, vt notauit Carotus ad Epif. Novuar. in Comment. Canon. ad cap. Missarum 23. de consecr. distinc. 1. in eo enim Cappella deputari potest pro Missa celebranda, quod si violetur locus (qua de re optime Suar. dist. 81. sect. 4.) non potest

ibi celebrari sine peccato. *Azor. lib. 10. t. 26.* per totum. Deducunt vocē hanc, Altare, ab altitudine, Festus, & alijs quasi sit alta Ara, *Vualafra. cap. 5.* vel alta res, *Gemmalib. I. cap. 122.* vel ab alendo, quia igni Altaris addebatur alimentum, *Isidor. lib. 15. Orig. cap. 4.*

Patet Altaris usus in Scripturis Sacris, à Noe, qui primus ædificauit Altare; & in nouo testamento 1. Cor. 9. Hebr. 13. Sixtus II. decreuit, vt Missa non fiat nisi in Altari, *Radul. propes. 23.* & significat Primo mensam Domini. *Amalar. lib. 1. cap. 24.* Secundo Crucem, *Bern. de Cena Domini.* Tertio, Christum, per quem sacrificia acceptantur à Deo. *Gemma lib. I. cap. 134.* forma Corporis Christi est Altare, aut *Ambros. lib. 4. Sacr. cap. 12.* ideo præminent